



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-075-4/25**
Datum: **09.07.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «KOKA BH» d.o.o. Breza za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata - Farma za tov koka nosilica i proizvodnju jaja, pogon za proizvodnju tjestenine i pogon za proizvodnju organskog gnojiva u naselju Kamenice, općina Breza, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «KOKA BH» d.o.o. Breza daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata - Farma za tov koka nosilica i proizvodnju jaja, pogon za proizvodnju tjestenine i pogon za proizvodnju organskog gnojiva izgrađenog u naselju Kamenice na zemljištu označenom kao k.č. broj: 444/1, 444/2, 445/1, 445/2 i 445/3 K.O. Kamenice, općina Breza.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se objekti čija je svrha prikupljanje i odvodnja otpadnih voda nastalih u postupku pranja i čišćenja objekata redovno održavaju i koriste na način koji će obezbijediti njihovu potpunu ispravnost i funkcionalnost.
 - 2.3. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.4. Da se prikupljanje đubriva, transport istog trakastim transporterima do pogona i sama proizvodnja organskog đubriva/gnojiva vrši pod stalnim nadzorom stručnog osoblja u cilju onemogućavanja rasipanja istog.
 - 2.5. Da se privremeno i trajno zbrinjavanje otpada od uginulih životinja i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.6. Ne dozvoljava se odlaganje na otvorenom prostoru farme i unošenje opasnog i neopasnog otpada koji nastaje kao nus produkt u procesu rada predmetnih objekata u vodotoke i obale rijeka.
 - 2.7. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik kompleksa objekata je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog kompleksa objekata obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu objekata obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog kompleksa objekata dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «KOKA BH» d.o.o. Breza, dana 20.02.2025. godine podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata - Farma za tov koka nosilica i proizvodnju jaja, pogon za proizvodnju tjestenine i pogon za proizvodnju organskog gnojiva izgrađenog u naselju Kamenice na zemljištu označenom kao k.č. broj: 444/1, 444/2, 445/1, 445/2 i 445/3 K.O. Kamenice, općina Breza.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-000311 izdatog dana 04.02.2025. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinostveni registar indirektnih poreza broj: 04/1-17-1-UPJR/1-653-2/12 izdatog dana 13.02.2012. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-1/21-3-40-669-6/22 izdatog dana 23.02.2023. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: 12-19-07251/20 izdatog dana 25.02.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja broj:12-23-3966/07 o upotrebi građevine «Farma za uzgoj pilića» u naselju Kamenice, Breza izdatog dana 16.06.2009. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za Hodžić Kenana i Almira – vl «KOKA BH» d.o.o. Breza),
- Kopija Rješenja broj:12-23-1065/09 o upotrebi građevine «Farma koka nosilja» u naselju Kamenice, Breza izdatog dana 07.05.2009. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za Hodžić Kenana i Almira – vl «KOKA BH» d.o.o. Breza),
- Kopija Rješenja broj: 03/2-3-23-1476/11 o upotrebi građevine «Pogon za proizvodnju tjestenine» u naselju Kamenice, Breza izdatog dana 01.12.2011. godine od strane Službe za prostorno uređenje, zaštite okoliša, geodetske i imovinsko-pravne poslove Općina Breza (rješenje izdato za Hodžić Kenana i Almira – vl «KOKA BH» d.o.o. Breza),
- Kopija Rješenja broj:12-23-05392/16 o upotrebi građevine «Pogon za proizvodnju organskog gnojiva» u naselju Kamenice, Breza izdatog dana 07.05.2009. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja broj: UP1-12-19-9736/24 o odobrenju za građenje – dogradnja postojećeg objekta «Farma koka nosilja» u naselju Kamenice, Breza izdatog dana 24.01.2025. godine od

strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Glavni projekat objekta Štale za koke nosilice u Brezi, urađen od strane «AMG» d.o.o. Visoko, februar 2008. godine (na uvid),
- Glavni projekat pogona za proizvodnju organskog gnojiva «VP» urađen od strane «SINTEZA» d.o.o. Visoko, decembar 2015. godine (na uvid),
- Glavni projekat proizvodnog objekta za tjesteninu urađen od strane «SINTEZA» d.o.o. Visoko, april 2011. godine (na uvid),
- Glavni projekat – Dogradnja postojećeg objekta «Farma koka nosilja» urađen od strane «SINTEZA» d.o.o. Visoko (šifra: G-38-24, maj 2024. godine) - na uvid,
- Kopija Izvještaja o monitoringu kvaliteta i kvantiteta otpadnih voda «KOKA BH » d.o.o. Breza urađenih od strane «Inspekt-RGH» d.o.o. Sarajevo (broj: 2069/24, oktobar 2024. godine),
- Kopija Zapisnika o inspekcijskom pregledu broj: UP1-14-21-2-00066/2024-1403-P-1403-1-P urađen dana 07.08.2024. godine od strane Federalnog vodnog inspektora,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog kompleksa objekata u naselju Kamenice, općina Breza i tom prilikom je sačinjen Zapisnik o uviđaju broj: UP-1/21-3-40-075-3/25 od 26.06.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Kompleks objekata «KOKA BH» d.o.o. Breza izgrađen je u naselju Kamenice na zemljištu označenom kao k.č. broj: 444/1, 444/2, 445/1, 445/2 i 445/3 K.O. Kamenica, općina Breza i čine ga: dva objekta za uzgoj koka nosilica kapaciteta 2x4.000 (jedan turnus godišnje), jedan objekat za uzgoj jata koka nosilica kapaciteta 15.000 komada - podmladak do 18 sedmica (jedan turnus godišnje) u sklopu kojeg je postavljen pogon za proizvodnju stočne hrane, objekat za proizvodnju tjestenine (spratnosti P+Pt) i objekat/hala za proizvodnju organskog gnojiva.
- Za predmetni objekat je o strane Agencije dana 23.02.2023. godine izdato Rješenje o vodnoj dozvoli broj: UP-1/21-3-40-669-6/22 sa propisanim uslovima koji su u potpunosti ispoštovani. U periodu od izdavanja ove dozvole urađena je dogradnja postojećeg objekta farme na parcelama označenim kao k.č. broj: 445/2 i 445/3 K.O. Kamenice, općina Breza u kome je instalirana savremena oprema za uzgoj koka i proizvodnju jaja.
- Po završetku svakog ciklusa vrši se čišćenje, pranje i dezinfekcija objekata za uzgoj te priprema za naredni turnus. Otpadne vode od pranja objekata nakon završenog turnusa se prikupljaju sistemom slivnika i kanalizacione mreže i odvođe do armirano-betonske sabirne jame bez prelijeva koja se povremeno čisti.
- Objekti za uzgoj su opremljeni tehnološkom opremom za prikupljanje kokošjeg izmeta preko podužnih transportnih traka. Prikupljeno đubrivo se trakama transportuje u halu u kojoj je instaliran poseban pogon za proizvodnju organskog gnojiva/đubriva. Proizvodni proces se sastoji od sušenja, drobljenja, peletiranja i sterilizacije đubriva. Proces se završava pakovanjem steriliziranog peleta suhog gnojiva u vreće i dalja distribucija na tržište. U predmetnom objektu nema rasipanja đubriva.
- Snabdijevanje vodom za sanitarne i tehnološke potrebe je obezbjeđeno priključkom na gradski vodovodni sistem.
- Prihvat oborinskih voda sa krovova objekata i prilaznog platoa riješen je sistemom kanalizacionih cijevi sa priključkom na mjesnu kanalizaciju.
- Prikupljene sanitarno fekalne vode iz toaleta za uposlene se ispuštaju u mjesnu kanalizacionu mrežu.
- Uz zahtjev je dostavljen Izvještaj o monitoringu kvaliteta i kvantiteta otpadnih voda «KOKA BH» Breza (broj: 2069/24, oktobar 2024. godine) urađen od strane «Inspekt-RGH» d.o.o. Sarajevo (mjerno mjesto - šaht oborinske kanalizacije).
- Za predmetni kompleks objekata, od strane Ministarstva za prostorno uređenje, promet i komunikacije i zaštitu okoline Zeničko dobojskog kantona izdato je Rješenje o okolinskoj dozvoli broj: 12-19-07251/20 dana 25.02.2022. godine.

Razmatrajući podneseni zahtjev a na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva ovog Rješenja propisani uslovi u skladu sa članom 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, konstatuje se da je podnosilac zahtjeva «KOKA BH» d.o.o. Breza ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada kompleksa objekata - Farma za tov koka nosilica i proizvodnju jaja, pogon za proizvodnju organskog đubriva i pogon za proizvodnju tjestenine u naselju Kamenice, općina Breza, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-075-2/25 od 09.05.2025. godine.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «KOKA BH» d.o.o. Breza
- Kamenice bb, 71370 Breza
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava